



DIGITAL CHARTA

1. GENERELL

- 1.1 Ech schreiwen, posten a deelen näischt, wat anerer kéint verletzen - keng Beleidegungen, keng Frechheeten, kee Cybermobbing.
- 1.2 Ech späicheren oder verbreedde keng Dateien (Dokumenten, Biller, Videoen, ...), déi géint Reglementer vun der Schoul oder Gesetzer verstoussen.
- 1.3 Ech gi keng Dateien (Dokumenten, Biller, Videoen, ...) weider, fir déi ech keng Rechter hunn.
- 1.4 Ech benotze keng onpassend Sprooch an E-Mails, Posts, Chats etc.
- 1.5 Ech hale meng Passwierder geheim a probéieren net, engem anere säi Passwuert ze kréien. Ech benotze kee frieme Kont/Sessioun, ouni ausdrécklech Erlabnis am Virus, a keng falsch Identitéit.
- 1.6 Fir d'Deele vu Schoul-Material benotzen ech nëmmen déi Plattformen, déi vun der Schoul virgesi sinn (z.B. OneDrive oder iCloud).
- 1.7 Ech maache keng Opnamen (Foto/Audio/Video) vu Persounen (Schüler, Enseignanten, Schoulpersonal, ...), ouni hier ausdrécklech Erlabnis am Virus.
- 1.8 Ech maache keng Foto vun der Tafel ouni déi ausdrécklech Erlabnis vum Enseignant am Virus.
- 1.9 Ech gi reegelméisseg den offiziellen Teamskanal vun der Schoul liesen a ruffe reegelméisseg meng Mailbox vun der Schoul op.
- 1.10 Ech kenne meng Logins a Passwierder, déi ech fir d'Schoul brauch.
- 1.11 Ech si mir bewusst, dass Verstéiss géint des Charta pedagogesch Konsequenzen hunn an – wou ubruecht – och rechtlecher.

2. HANDY A SMARTWATCH AN DER SCHOUL

- 2.1 Während de Coursen ass mäin Handy komplett ausgeschalt (net Fluchmodus) a läit an der Handygarage.
- 2.2 Beim Verloosse vum Sall (Raumwiessel oder Paus) huelen ech mäin Handy mat an der Täsch oder am Schoulsak; e kuerze Bléck op WebUntis ass erlaabt.
- 2.3 Ech benotzen den Handy net am Schoulgebaai. Fir ze telephonéieren, sozial Medien, etc. muss ech d'Gebai verloossen. An der Schwämm an am Forum respektéieren ech hier speziell Reegelen.
- 2.4 Smartwatchen däerfen nëmme fir d'Auerzäit benotzt ginn; all aner Funktioune sinn ausgeschalt.

3. SCHOULGERÄTER (IPAD, PC, LAPTOP)

- 3.1 Ech benotzen am Cours kee Gerät, dat net vun der Schoul geréiert gëtt.
- 3.2 Ech schalte mäi Gerät am Cours nëmmen an, wann ech d'Erlabnis vu mengem Enseignant hunn.
- 3.3 Ech schalte mäi Gerät op "stomm" an desaktivéieren och all Notifikatiounen, fir net ofgelenkt ze ginn.
- 3.4 Ech benotze mäi Gerät ausschliisslech fir déi Aufgaben, déi vu mengem Enseignant virgesi sinn.
- 3.5 Mäin Enseignant huet d'Recht, op mäi Gerät ze kucken an et temporär ze spären.
- 3.6 Ech deelen, wann opgefuerdert, meng Dokumenter mam Enseignant, an ech akzeptéieren, dass den Enseignant se och ännere kann.
- 3.7 Ech benotze mäi Gerät a seng Accessoirë mat Suergfalt a manipuléieren si net.
- 3.8 Ech mellen direkt all Schued, Verloscht oder Déifstall vun informateschem Material.

IPAD (iClass, myDevice, one2one)

- 3.9 Mäin iPad a mäi Stëft si moies an der Schoul komplett opgelueden.
- 3.10 Ech si während dem Cours mat mengem iPad mam WLAN-Netz "LMRL-one2one" verbonnen.
- 3.11 Ech si bei mengem iPad mat menger Apple-ID vun der Schoul ugemellt.